

Олн колхозникуд некджана

Таньгъчин колхозмудин болн совхозмудин хар газрт баях кӧдлӧчнр, МЖС-н механизатормудла хамдан, увлӧр малмуд идх хот белдлгънд, хӧднӧ кошармуд болн ӧмтн бӧӧх гермуд бӧрлгънд кӧдлдж йовцхана. Кеер бӧӧх эн кӧдлӧчнрт ик оньган ӧгх-цуг селӧнӧ эдл-ахун гардачнрин эркн тӧр.

Болв зӧрм гардачнр тер тӧрнр кергтӧн авдгон учр бӧӧнӧ. Улгурлхд, Элст балгъсна Ленинӧ нертӧ колхозин участкд 30 хальмг ӧрк-бӧул бӧӧршддж, колхозин эркн чнрртӧ кӧдлмшт дӧнъ-тусан кӧргддж кӧдлджӧцхӧнӧ. Эн участкд бӧӧх хальмг ӧрк-бӧулмудиг гермуд бӧрддж текддж чадджахш. Эн джил энунд ӧмтн бӧӧх 16 гер бӧрх болдж колхозин зурад темдглгдсмн, терунӧсн зуг 3 гер бӧрджӧнӧ.

Энунд тосхлтин зура эс кӧндӧгдджӧх учрар, клуб болн школин гериг, ӧмтн бӧӧдг герт хуврӧчкидж. Эн участкд, ирх сургъулин джилд школд орх кӧукуд-кӧвудин тонь олн, болв школин гермудт ӧмтн бӧӧх

учрар, сургъулин джилд белдврн кӧдлмш тӧрӧц кегдджӧхш.

Колхозин ахлӧч И.Т.Гончаров эн участкд бӧӧх кӧдлӧчнриннъ бӧӧдл-джиргълднъ ик гидг муугъар ӧньган ӧгнӧ. Энунд март сарас авн нег чигн кино узулад уга.

Черноземельск района культурин отдел кесг дакдж кино узулхӧр ирв. Болв, колхоз, культурин отделлӧ бооца эс кесн учрар, участкин бригадир ур В.М.Безруков хӧрӧ хӧрӧулчкӧд бӧӧв. Эн участкд цӧӧлгъврн кӧдлмш тӧрӧц кегдхш, газет долан хонгт нег авч ирнӧ.

Энунд бӧӧх ӧмтсд уудг ӧмтӧхн усн уга болдж генӧулнӧ. Шидрхн, долан хонгтан ус авч ирсн уга, тегӧд кӧдлӧчнр давста ус ууджав. Эн дуту-дундиг ӧбрхн цагин эргцд уурулдж болхмн. Тегӧд чигн олн колхозникуд, колхозин гардачнрас некджӧнӧ.

М. БОБАЕВ,

Черноземельск района эрдм-сургъулин отделин заведующ.